



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlm XVII. Si diligenti.

[urn:nbn:de:hbz:466:1-62587](#)

Si diligenti.

P A R A P H R A S I S .

priuilegium dari non potest; aut solet, vt in casu nostro, siquidem Episcopus non potest remissionem procurationis facere, Papa autem non solet, quod id indecens sit & noxiū Ecclesiis, vt dixi.

Vlterius adverte 1. Quod hic specialiter sermo sit de procuratione debita ob visitationem, non autem loquitur de aliis censibus, aut præstationibus v. g. charitatio subdio, Cathedratico, aliave annua pensione; in his enim per tempus immemoriale cum bona fide immunitatem præscribi posse, probabile est, vt resolutus Abbas vol. 2. consil. 26. Felin. h. 6. n. 14. Quia cessant rationes, quas attulimus, cur contra prænuntiationem præscribi non possit, accedit quod dictæ præstationes priuilegio aut pacto, seu compositione remitti possint, consequenter etiam per præscriptionem temporis immemorialis, cum ea vim tituli habeat, si capacitas sit in usucapiente.

Advertendum est 2. Quod loquimur de procurationibus, quæ debentur visitanti jure ordinario, non item de ijs, quæ debentur visitanti jure speciali, siue ex priuilegio, nam contra hunc visitatorem ut procuratio ei non debeatur, præscribi potest secundum communem praxim, de qua testatur hic Felin. n. 13. licet ipsi contrarium placeat; sed probatur praxis; cum enim ab initio. v. g. Archidiaconus cumulatiuè cum Episcopo Ecclesiis ex speciali concessione, priuilegio, aut consuetudine visitare potuerit sine jure procurationis exigendæ, ut fatetur ipse Felin. Sequitur inde quod Ecclesiæ etiam postea huiusmodi immunitatem viæ præscriptionis acquirere possint.

Denique adverte. Quod locuti sumus in casu, quo ipsæ Ecclesiæ immunitatem à præscriptionibus præscribere vellent adversus ordinarium Visitatorem, seu eum, cui communi jure visitatio competit; at vero alius quispiam. v. g. Archidiaconus, vel Abbas, cui jure speciali competere potest jus visitandi, consequenter etiam præscribere potest jus procurationis exigendæ à quibusdā Ecclesiis dicecessis, vt constat ex text. capituli & ait Felin. h. 6. n. 12. id locū habere etiam si visitator iste Episcopo loci subiectus sit.

Archiepiscopus Pisanus juramentum fideltatis accepit à Iudice Calaritano Marchione Maſſe, quod Innoc. III. ait ipſi non licuisse, cum Iudicatus, seu Tribunal Calaritanum immediatè ad proprietatem Sedis Apostolicae pertineat, sicuti & tota Sardinia, quamvis verò Archiepiscopus se defendere voluerit, quod secundum antiquam suorum antecessorum consuetudinem juramentum pro sede Apostolica, seu Vice-sedis Apostolica receperisset, tamen Pontif. respondit, neque ipsum, neque Ecclesiam eius jure aliquo nixam esse, cum authoritatem Sedis Apostolica non exhibeat, neque præscriptione muniatur; propterea quod confiteatur Archiepiscopus ipsum, vel Ecclesiam eius non fuisse in quasi possessione juris exigendi juramenti, sed Ecclesiam Rom. quippe cuius nomine exactum & præstitum fuerit juramentum ministerio Archiepiscopi, siquidem & is possidere dicitur, cuius nomine alius possidet, sin autem dicatur, quod Archiepiscopus & Antecessores eius suo nomine, & non Rom. Pontif. aut Rom. Ecclesiæ juramentum exegerint, tum sequitur, quod Archiepiscopi ea re juramentum suum de jure & honore sedis Apostolicae conservando violarent, & ideò in tali possessione exigendi juramenti suo nomine, permanere non debeat, quandoquidem præscriptioni contra jura Ecclesiastica locus non est, si bona fides, ac justus titulus desit.

Denique et si ponamus præscriptioni esse locum, tamen non est credibile præscriptionem centenariam, quæ sola contra Ecclesiam Romanam currit, probari posse.

S V M M A R I V M .

1. Rex aut Princeps habet fundatam intentionem

- tionem super totā terrā, & omni eius parte, quoad jurisdictionem supremam territorialem sibi competentem.
2. Rerum incorporalium seu iurium est quasi possessio.
 3. Alterius nomine rem possidens usucapere non potest.
 4. Si jus possessori resistat, ad prescribendum tempore ordinario non sufficit bona fides, sed insuper requiritur titulus presumptus.
 5. Accipiens terram in feudum, non ideo jurisdictionem supremam ac territorialem habere consenit.
 6. Ex juramento fidelitatis, quod judges & subditi prestare alicuius loci, non alicui ibi degenti, sed superiori domino, colligitur, quod jurisdictione territorialis non ad eum, sed ad hunc pertinet.

Not. I. Dominus alicuius regni, aut territorij habet fundatam intentionem super tota terra & omni eius parte, quoad jurisdictionem supremam territorialem sibi competentem die Landsfürstliche hohe Obrigkeit/ sicuti de Imperatore docet Joan. Andreas in c. vlt. n. 43. de offic. Archidiaconi. Sollet tamen Imperator alii dare in feudum, ita, ut ipsemet duntaxat retineat quoad directam proprietatem & potius secundum habitum, quam exercitum.

2. Not. II. Rerum incorporalium seu iurium est quasi possessio, nam propriè dicta possessio spectat nominis deriuatione, rerum corporalium tantum est. l. iff. de aquirienda possessione.

3. Not. III. Qui non suo, sed alterius nomine in possessione rei aut juris existit, usucapere non potest; quia non propriè possidet, sed ministerium exhibet ei, cuius nomine possidet. vti docui in e. Cum venissene 9. de restit. ffoliator. & l. 3 tr. 1. de Inst. c. 8. n. 5.

4. Not. IV. Si jus possessori resistat, non sufficit bona fides ad prescribendum, sed requiritur etiam titulus presumptus; quod intellige, ut prescribatur tempore ordinario videlicet anno 40. contra Ecclesiam, at vero possessio temporis immemorialis cum bona fide instat tituli est, si capacitas sit in possidente. cap. 1. hoc tit. in 6.

Quamobrem tali casu opus non est allegare titulum, quamvis etiam non oblit si allegetur; cum pluribus exceptionibus seu defensionibus, contra petitorem defendere se licet, ita ut si probatio in uno desciat, ex altero capite obtineri possit. vti docui in e. Pastoralis. 4. de exceptionibus.

Quares. Qua in re jus resistebat Episcopo, quominus legitimè exigeret suo nomine juramentum à iudicibus Calaritanis; & ideo non censeretur bona fide tale jus possidisse, nisi priuilegium exhiberet. Resp. Quia locus ille, in quo tribunal erat, sine controversia pertinebat ad Ecclesiam Romanam: licet utilitas jure feudi pertineret ad Archi-Episcopum Pisanum, sicuti hic Innoc. noitat.

Hinc collige doctrinam, quod aliquis accipiens terram in feudum, non ideo jurisdictionem supremam ac territoriale die hohe Lands-Öbrigkeit/ quod est plenam jurisdictionem in subditos habere, censetur. Et ita ex communi docet Andr. Kniechen, de Ter-rit. jure. n. 248, vbi addit. n. 352. quod nec in concessione Comitatus, vel Baronatus, seu Castrorum, nisi disertis verbis exprimatur, omnimoda jurisdictione comprehendatur. Ratio est, quia jurisdictione illa omnimoda in subditos sublimis ac regia est, ideoque Principi propriia, quemadmodum apud nos appellatur die Landsfürstliche Öbrigkeit/ quae Ducatu, aut Marchionatu inest, adeò ut si Imperator aliquem investiat de Ducatu ac Marchionatu, eo ipso jurisdictionem territorialem omnimodam concedere videatur, cum ea dignitas & eminentia loco annexa censeatur; quamobrem Principes appellari solent, quibus talis jurisdictione data est, quia in suo territorio Imperatorem representant, ex cuius concessione accepereunt.

Præter hanc autem sublimem est alia jurisdictione inferior, in subditos, non propriè territorialis die hohe Lands-Öbrigkeit dici potest, sed districtus die niedrige Öbrigkeit/ quæ juncta est cum exigua coercitione & exactione multarum pro delictis leuibus.

Not. V. Si subditi, aut iudices alicuius loci juramentum fidelitatis non præstent alicui ibi degenti & jura aliqua habenti, sed super-

S V M M A R I V M .

1. *Episcopus habet intentionem fundatam super jure parochia, capellis seu filialibus annexis, & aliis juribus spiritualibus intra suam diœcesin.*
2. *Jura Episcopalia à Prælato inferiore per præscriptionem acquiri possunt, etiā quoad institutionem curatorum, aliorūmq; ministrorum.*
3. *Ex eo quod possit Sacerdos diœcesanos à peccatis absoluere, non sequitur, quod etiam possit à reseruatis Episcopo.*
4. *Ad possessionem & præscriptionem juris aut jurisdictionis universalis sufficit exercere alcum in uno aliquo genere cum intentione habendi possessionem omnium coniunctorum.*
5. *Limitatur: Nisi alius sit in possessione juri.*
6. *Prælatui compromittere & transigere potest super parochiis, aut capellis de quarum exemptione controversia est.*

Not. I. Episcopus super jure Parochiæ seu spirituali cura plebis & Capellis seu filiabus annexis, aliisque juribus spiritualibus intra diœcesim suam habet intentionem fundatam. *cap. Cūm Venerabili. 7. de religiosis domibus.* Quemadmodum talia jura quorū plura hīc enumerantur, Episcopalia dicuntur & diœcesalia, quia spectato communione, ad Episcopum loci, seu diœcesanum pertinent, alij autem intra diœcesim degentes Prælati licet ordinariam jurisdictionem habeant, & quanquam speciali jure priuilegij, aut præscriptionis exempti sint, siue quo ad suas personas & Clericos, aut Religiosos Ecclesiarū suarū, siue etiam quoad curam plebis sibi subiectæ, ita ut nomen Ordinarij loci ipsius competat. *iuxta c. 3. iuncta Gl. verb. locorum. de offic. ordin. in b.* tamen Diœcesani appellari non solent, sicut constat ex *Clement. Iuncta Gl. verb. Diœcesan. de jure Patronat.* & ostendit hic *Alex. n. 3.*

Not. II. Jura Episcopalia à Prælato inferiore per præscriptionem acquiri possunt etiā quoad initiuonem Curatorum aliorūmq; ministrorum. Ita sumitur ex hoc c.